



INATSISARTUT

## Aningaasaqarnermut Naalakkersuisoq

Ulloq: 1. december 2020  
J.nr.: 01.31.06/20-00907

### Aningaasaqarnermut Akileraartarnermullu Ataatsimiititaliap ataasinngornermi ulloq 23. november 2020-mi aalajangiineranik Naalakkersuisunut ilisimatitsineq.

### Illoqarfinni nunaqarfinnilu BSU aqqtigalugu illulianik ingutseriaannangorsimasunik ingutserinissamut atugassiinissaq. Suliaq nr. 01.31.06/20 – 00907.

”Naalakkersuisut inassutigaa:

- kontomi pingaarnermi 89.72.12 Inissialiassat taartissanillu inissialiortiternerup ataani suliaasaq nutaaq nr. 999.31.064 Inissianik ingutserinerit BSU, 8,2 mio. koruuninik aningaasaliiffigalugu pilersinneqassasoq, kiisalu
- kontomi pingaarnermi 80.00.10 Sanaartugassanut Iluarsagassanullu Aningaasaateqarfimmit utertitanut aningaasaliissutit, 2020-mi 8,2 mio. koruuninik ikilisinneqassasut.”

### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Nunaqarfinni isorliunerusunilu ukiuunerani piniarnikkut aalisarnikkullu suliaasakilliorfiusumi suliaasaqarnissamut aningaasat qulakkeerinnissutaanissaat aammalu illoqarfinni nunaqarfinnilu assigiinngitsuni ukiuunerani suliffissaarusimanerup annikillisinneqarnissanut peqataaqataanissaat ataatsimiititaliamit iluarisimaarlugu maluginiarneqarpoq. Nunaqarfinni namminersortunik sanasoqanngitsuni kiisalu inuerukkiartortuni najukkami imaluunniit nunaqarfimmi qaninnermi nunaqarfinnut aqutsisut peqatigalugit suliaasamik isumaginnissinnaasumik ikiortimilluunniit toqqaanissaq anguniarneqassasoq ataatsimiititaliamit iluarisimaarlugu maluginiarneqarpoq.

Tamatuma saniatigut ataatsimiititaliamit maluginiarneqarpoq tamanna naleqqutsillugu sanaartorfissat nutaanik sananissamut atorneqartussanngorlugit kommuninut utertinneqassasoq. Sanaartugassanut nutaanut aningaasaliinerimut tunngatillugu nunaqarfiit isorliunerusullu immikkut eqqarsaatigineqarnissaannik ataatsimiititaliap kissaatteqarneranut tamanna naaper-tuuppoq.

### Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua